



DEO OPTIMO MAX  
UNI ET TRINO,  
VIRGINI DEIPARÆ, ET S. LUCÆ  
Orthodoxorum Medicorum Patrono.

QUÆSTIO MEDICO-CHIRURGICA.  
*QUOD LIBETARIIS DISPUTATIONIBUS  
manè discutienda, in Scholis Medicorum, die Jovis  
nona Martii M. DCC. XXX.*

M. JOAN. BAPT. THOMA MARTINENQ,  
SCHOLARUM PROFESSORE, DOCTORE MEDICO,  
P R Æ S I D E.

*Utrum ab Injectionibus directa Gonorrhœæ curatio?*

I.



STEMMATA quid profunt? Quid juvat corporis præstantia?  
Quid robur? Quid vultus, quid colorum nitor? Aliunde dif-  
fert homo ab homine. Mas & femina, quantumvis ejusdem  
naturæ, multum inter se discrepant. Vultu, dissimilis uterque;  
diversus, corporis habitu; pudendorum fabricâ, dispar. *Andro-*  
*gynum* dari ex his conflatum, fabula; puellam in puerum eva-  
luisse, illusio; sexûs immutatio, commentum. Varia *genitalium* dispositio,  
maris & feminæ distinctionem, sive sexum constituit. Ad hunc, nihil pla-  
netarum exaltationes, nihil ordinata vel connexa diversimodè sidera, paren-

A

tes omnia suppeditant. A sexuum discrimine, nulla diversitas ingenii. Par in utroque *Veneris* cupiditas; par illecebra voluptatis. Hinc vehemens illud propagandæ speciei desiderium. Hinc animorum consensio & adhæsiō corporum. Maris & feminæ copula, utut immortalitatis amans, quamvis matrimonii finis alter, constans & unica sobolis suscipiendæ ratio: quot attamen, quantaque secum aliquando trahit incommoda! Quam importat flagitiorum iliadem! Quid enim non est mali nasciturum, si vel ultrâ modum, vel intempestivè Sexus exagitentur? Quid si aut promiscuæ, aut virulentæ litent *Veneri*? *Catamenius* fluentibus, si liberis detur opera, contages unius, alium inquinat: sic ab uxore *tabidâ*, *tabidus* spon-  
sus; & vice versâ. Quot ad morbos non est potissimum damnata mulier, quæ *menstruata* dulces thalamos experitur? Concipiat, supprimitur naturalis excretio; secus, depravatur: utrinque insidiæ. Ab immoderato *Veneris* usu, nonnunquam *Apepsia*, *Dyspsia*, *Peripneumonia*, dolor lateris *punctorius*, *Phthisis*, *Podagra*, *Verrugo*, *Calvitium*, Senectus præmatura. Nec ab alio, lascivientium pallor, facies exanguis, oculi cavi, frons contracta, mollities inexcitabilis, incessus vacillans, virium tandem omnimoda prostratio. Turpioribus plectuntur adhuc maleficiis, qui, sani licet & integri promiscuè *pueris* abutuntur, coeuntve intemperantiis. Attritu *Penis* insolentiori, *Vagina* parietes in furias ignemque ruunt, contrahuntur, relaxanturque celerius, uberius perspirant; *Vaginalis* udor; saliva seminalis, semenque ipsum agitata nimis, incalescunt, unâ confunduntur, putrescunt. Sic ab ipsâ *munditie*, fordes; sic à sordibus, *virulentia* primordia. Hinc *Rha-*  
*gades*, *Verruca*, *Gonorrhœa*, *Crystallina*, *Carcinomata*, *Phymosis*: hinc *Bubones*, *Fistula*, *Marisca*, *Cryste*, *Condilomata*, *Exostoses*, aliaque concubitûs impuri foeda *Symptomata*, *Syphilidis* prodromi, vel *Satellites*. Hos inter *Gonorrhœa* si frequen-  
tius affligit, at certè curatur facilius: cum præfertim, & sine periculo, & sine morâ, *Pharmacis* proximè oppugnatur, reprimitur, extinguitur. Directa medendi ratio non aliundè repetenda.

## I I.

**E**X quo nefandæ indulgetur *Veneri*, *Veneris* impuræ prostant monumenta. Delineatum in sacris paginis *profluvium* è carne, *Gonorrhœam* nostrâs ex-  
primit. Hæc, involuntarius est, indefinens, & præternaturalis effluxus, in quo humor ab urinâ & semine distinctus, albus interdum, aliquandò flavus aut viridis, per *pueris* sexûs utriusque dejicitur. *Urinam* non sine cruciatu reddunt ægrotantes. In his non arigit *crystas mentula*, quin constrictionis in eâ percipiatur dolor, quasi fune quodam circumpremeretur. Fluminis hujus materiem, causam, sedem & *Symptomata*, frustra tentaverit explicare, quem organorum *Veneri* inservientium fugerit historia. Per *Veneris* organa, cave intelligantur hic partes quælibet generationi consecratae. In Sexuum copulâ, tota quiescit *Venus*; *Penis* & *Vagina* commercio absolvitur. *Vagina*, excipiendo *peni* foetuique forâs transmittendo nata, canalis est laxus, fortis tamen, contractionis & dilatationis capax. Ab utero, *rectum* inter *intestinum* & *vesicam*, ad *pueris* inferiora versùs *Clitoridem* & *Urethram* excurrit. Duabus constat membranâ, quibus substantia ejus nerveo-vasculosa & glandulosa continetur. Exterior, quæ muscularis & carnea, *Sphincteris* fungitur mune-

re: Interior, quæ nervea, papillaris & rugosa, innumeris per totum ejus ambitum perforatur meatibus, *lacunis* dictis, ex quibus viscidus humor in *vagina* glandulis elaboratus, ad lubricandos canalis hujus parietes jugiter profunditur. Nullibi tamen plures, majores nullibi reperiuntur ejusmodi *lacuna*, quàm propè *Urethram*; unde *coitus* momento tam petulanter & copiose profluit earum liquor, ut non sine summâ voluptate projiciatur foràs. *Penis*, præcipuum *Veneris* organum, præter *integumenta* communia, tribus potissimum instruitur partibus. Ab ossis *ischii* margine, principiis notabiliter distinctis oriuntur duo corpora, nerveo - spongiosa intus & cellulosa, extus crassa & tendinea. Hæc, post unius digiti transversî progressum, sepimenti tenuis interposito, ad invicem accedendo procedunt, donec, septo penitus evanescente, simul in *glande* tandem coalescant. Corporibus *cavernosis* in medio, secundum eorum longitudinem, subjacet *fistula* quædam, quam *Urethram* vocant, *semini* & *urina* foràs expellendis inserviens. Hæc à *vesica* collo incipiens desinit in *Glandem*, quem expansione suâ producit. *Urethram* in itinere suo rectâ semper, ut in feminis, progredi non existimes. Radix ipsius à parte *pelvis abdominis* posteriori & infimâ proficiscitur, unde versus os *pubis* ascendens *Urethra*, unâ cum corporibus *cavernosis* incedit. Ingentem ergò ab ejus origine versus os *pubis* experitur *curvaturam* donec ad *Penem* pervenerit. Expansio illa *Urethra*, quæ *Penis* extremitatem vel *Glandem* efformat, crassiores habet radicem quàm *Penis* ipse, sensimque decrescens in ejus medio foramen *Urethra* conspiciendum exhibet. Duabus *Urethra* conflatur tunicis strictim contextis, inter quas includitur substantia quædam nerveo-spongiosa & cellulosa, quæ glandulis innumeris conspergitur. Ex his glandulis, ac potissimum ex illis, quæ in *Urethra* parte superiori secundum ejus longitudinem ad *glandem* usque conspiciuntur, ad obliniendam *Urethram* in ejus cavitatem aperiuntur *excretorii* ductus: insignis præsertim, inter cæteros anteriùs, sub *Glandis* radicem positus eminet, qui digito compressus viscidum albumque humorem suppeditat. In *Urethra* canali, multò priùs quàm *Penem* hic attigerit, interiùs & inferiùs observatur *eminentia*, seu concursus meatuum, quorum auxilio è *Prostata Vesiculisque Seminalibus*, semen cum annexis liquoribus in *Urethram* utrinque transmittitur. *Protuberantiam* hanc Galli *caput* seu *Verumontanum* appellant. Singulis *Prostata Vesicularumque seminalium* orificiis sua inest *Caruncula* sive *Valvula*, ne liquores intus reconditi jugi flumine in *Urethram* profluant. *Prostata, Vesiculae seminales* earumque ductus *excretorii, Urethra* posterioribus tantùm adhærent, dum scilicet in *abdominis pelvis* continetur adhuc *Urethra* & notabiliter incurvatur. Præter hæc ultima oscula, non longè ab *Urethra* bulbo & in eadem regione perforatur insuper *Urethra Vasculis excretoriis* glandularum quarundam ab illustrissimis LITTRIO & COWPERO detectarum, quæ liquorem viscidum ad inungendam *Urethra fistulam* indefinenter exprimunt. Descriptas jam sexûs utriusque partes, *vasorum* omni genere *musculisque* aliquot esse præditas nemini non innotescit. Diutiùs igitur, quàm necessitas postulat, in his hærare superfluum. Hanc autem *Veneris* organorum fabricam qui ritè pependerit, an non *Gonorrhœa* materiem, causam, sedem & *Symptomata* liquidò interpretabitur? An non curabit appositè?

MORBOS à Morbis non discernit, nisi quem æquus amaverit Jupiter. Quolibet ex ligno non sit Mercurius. Omni è *pudendis* profluvio *Gonorrhæam* designari, sagax probusque rerum interpretis nunquam affirmaverit. Equitatio diuturnior, nimius cerevisiæ recentis potus, depravata *renum*, *vesica* aut *glandularum* generationi servientium functio, quin etiam variæ partium earumdem læsiones, diversam è *pudendis* dejectionem interdum excitant. *Gonorrhæa*, prout hic, vel ab immoderatâ, vel à promiscuâ, vel ab impurâ *Venere* ducit originem. Frustrâ dividitur in simplicem & virulentam: hæc ab illâ, non differt specie. Non tam circâ virilis *Gonorrhæa* causam erratum est, quàm circa sedem ejus, materiem & curandi methodum. In *testibus*, in *seminalibus vesiculis*, in *prostatâ*, *Gonorrhæa* sedem collocavit medentium numerus major. Medentium, dicam, an somniantium! Virtute quâdam extrinsecâ virus ad ægros propagari, fatentur omnes: nec diffitemur. Quid inde? An idcirco partes ab extremitate *glandis* adeo distinctas, contagium poterit attingere? Quânam arte, quo Mechanismo ad tantam impelleretur distantiam? Numquid non, ubi *Penis* erigitur, sic à corporibus *cavernosis* redigitur in angustum & coarctatur *Urethra*, ut in eam extrinseco liquori nullus omnino concedatur aditus? Ab *injectionum* vulgari usu *Gonorrhæam* haud rarò comprimi, Lippis notum & Tonforibus. Quàm autem durum est, ne dicam impossibile, ut *injectionum* portio conveniens *Syringis* communis ope ad *glandulas* supradictas perveniat? Si præsertim revocetur in memoriam vasa earumdem *excretoria*, solum ultra *Penem* aperiri in *Urethram*, dum incurvatur adhuc *fistula* & in *abdominis pelvi* continetur. Quid quòd singulis eorum osculis, nonne sua inest valvula, quæ liquoris injecti comiteum omnem intercluderet? Ubinam igitur (Si neque in *testibus*, neque in *seminalibus vesiculis*, neque in *prostatâ*) effluxus hospitium ac sedes? In ipsâ *Urethrâ*. Reclamas? Perperam. Substantiam *Urethra glandulis* innumeris refertam introspicias. Perforatum interius undique canalem rimeris attentius. Notabiles & *excretorios* ductus, si reperiâs in ejus parte superiori secundum longitudinem anteriùs, ac potissimum sub *glandis* radicem positos, an *Ædopol* in alio, quàm in *glandulis* undè procedunt ejusmodi ductus, quærendum *Gonorrhæa* domicilium? Sed jam inventi sunt. Jam innotescit *glandem*, & structurâ suâ densiorem esse, & ægrius quàm ipsum *penem* inflari atque indurari. Jam constat *Urethra fistulam*, ubi in *glandem* desinit & *penis* erigitur, sensim paulò latiore & apertiore evadere, quàm sub corporibus *cavernosis*. Hinc contagio liber in *glandis* meatum introitus. Hinc anteriores *Urethra glandulas virus* primum afficiet. An aliud indicat, qui vel inter mingendum, vel inter erigendum excitatur dolor? An non constrictionis, vel æstus omnis actio ad *Urethram* prope *glandem* dirigitur? Dum imò ne minima quidem percipitur molesta sensatio in eâ canalis regione, quæ *prostatæ vesiculisque seminalibus* adhæret aut connectitur. Vis plura? *Penis* *Gonorrhæâ* laborans, si manu apprehendatur versùs medium, & continuâ vel successivâ pressione ad *glandis* extremitatem usque arctius constringatur, lacrymante veluti *pudendo* *Gonorrhæa* materies effluit; quòd si constricção similis à *Pube* ad *Glandem* usque statim iteretur, nullus prosectò liquor erum-

pit foras: magno sanè argumento, hujus morbi fontem materiemve neque à *testibus*, neque à *Seminalibus vesiculis*, neque à *prostatâ* unquam proficisci. Quibus jam concessis, nullus, ut opinor, *vaginæ glandulas*, tanquam inconcussum ac genuinum *Gonorrhœæ* muliebri fontem renuet agnoscere. Compertâ ergo penitus hujus effluxus materiâ in utroque sexu, causâ & sede cognitâ, quid mirum si ab *injectionibus* directâ ejus repetatur curatio? Nul- lum enim è *Pharmacis* luem hanc vel propius, vel tutius, vel citius, vel ju- cundius poterit oppugnare, reprimere, extinguere.

## I V.

**I**NJECTIONIO. Latinis, lavacrum seu ablutio; Græcis *ἐνέμα* sive *κλύση*, est medicamentum fluidum, quod Syphonis aut Syringis ope in partem aliquam immittitur. Nemini non cognitum id medicamenti genus, à Phar- macopolis tamen & Chirurgis præcipuè administrandum: si *Clyster* in anum injiciendus, Pharmacopolarum est proprium. Si transmittendus liquor in *Uterum*, *Vesicam*, *Penem*, *Vaginam*, sinus, fistulas, aures, &c. ad Chirurgos præsertim pertinet. Si tandem injectiones ejusmodi veniant in morbis præscribendæ, solius est Medici. Quot enim à Præpostero & inconsiderato *injectionum* usu, quandoque *Symptomata* emergunt pejora morbis prioribus. *Penis* & *Vagina* affectibus si conferant interdum *injectiones*, inaximè ubi *Gonorrhœâ* laborant: liquor enim in hos canales prudenter immissus pestem hanc radicitùs poterit evellere. Medentium curam hucusque falsò præoccupaverant evacuatio *puris*, & virulentorum *Ulcera* sanatio. Toti nempe erant in exhibendis *catharticis*, *diureticis*, *adstringentibus* & *balsamicis* medicamentis. Hos errores artificis, non artis esse docet descripta jam *Gonorrhœæ* sedes, origo & materies. Quantum enim intercedit discriminis *Ulcus* inter virulentum & *Gonorrhœæ* naturam? Quantum inter *puris* & fluminis hujus materiem? *Gonorrhœa* in bidui triduive spatio ut plurimum fit sensibilis. Porro quis unquam judicaverit tam brevi temporis intervallo, *pus* saniemve ad eam assurgere posse fluminis quantitatem, quæ ineunte *Gonorrhœâ* sæpiùs profunditur? An non ubi primò inciditur *Ulcus* virulentum, semper asperam præ se fert conditionem, saniemque putridam exprimit? Incipientis *Gonorrhœæ* materies mitis admodum, alba, mollis & omni ferè corruptione destituta reperitur. Nonne quò longius aliqua pars à musculorum conditione recedit, eò minùs ad *pus* conficiendum est idonea: si præsertim in ea nullus observetur adeps? Undenam igitur effluxus hujus quantitas? Ab auctâ Glandularum virtute elasticâ, seu virtute quâdam stimulativâ. Undè virtus hæc stimulativa? Ab acrimoniâ quâdam *acido-corrosivâ*, inter sexus sparsâ. Spiritus autem *acidi* & *corrosivi* actio in eo potissimum consistit quod vasa corporis quibus ad- movetur & insidet, crebrâ & vehementi contractione percellat. Hinc li- quorum, quos ejusmodi vasa vel secernunt vel continent, conditio pejor, uberior excretio. Sic *Vagina* aut *Urethra* glandularum excretorii ductus, ab *acido-corrosivo* contagis spiritu quasi calcare quodam stimulatî, humorem suum celerius effundunt atque abundantius. An aliter *cantharidum* & pur- gangantium vires aut effectus? An alvi fluxus & *Dysenterie* quædam, cæteris paribus, aliter possunt explicari? Sed *Gonorrhœæ virus*, nec *acidum* nec *corrosivum* esse putas? Falleris. Mittatur *virus* in violarum tincturam aut helio-



tropii succum: hic protinùs cupreum colorem, illa rubedinem paulò dilutiorẽ exhibebit. Hæreat aliquatenùs in *Glande* vel in *Præputio*, statim inflammatione, *Crystallinis*, *Carcinomatibus*, *Phymosi*, *Paraphymosi*, aliisque *Symptomati* mentula excrucietur. An certiora possunt assignari *Corrosionis* simul & *aciditatis* argumenta? Hinc profluvium quò citiùs erumpit, eò acrimonia vehementior; quò contagium erit potentius, eò stimulantur magis glandulæ & lacunæ; quò fortius stimulantur, eò depravabitur magis & adaugebitur effluxus materies. Naturà tandem hujus morbi sic exploratà, quis directam ejus curationem ab *injectionibus* sperandam non esse pronuntiaverit? *Gonorrhœæ* prompta & in ipsis radicibus evulsio, ab inducto effluxu incremento nunquam expectanda. Hanc non aliunde quàm ab acrimoniæ retusione repetas. Dometur contages: vis stimulativa remittit, citò tutòque cohibetur flumen. Liquores igitur viscositate primùm imbutos, lenientes, emollientes, anodynos, (ab ineunte vel paululùm gliscente morbo) detergentes interdùm & leviter vulnerarios (si opus) in *Urethram* & *Vaginam* studeas injicere. Numquid non lentis ac mucosis *injectionum* particulis, *acido-corrosivum Gonorrhœæ virus* intricabitur, frangeretur, vincetur? Annon emollientibus & lenientibus demulcebitur? Nonne anodynus sedabitur glandularum *Erethismus*? An detergentibus & vulnerariis non restituetur *Lacunarum* tonus? Sic *Vagina* atque *Urethra* canales lento mucore oblititi ac perfusi, adversùs seminis & urinæ acrimoniam munientur, nec stimulantur ampliùs. Sic non ipsa contages tantùm, sed & fidi ejus satellites, dolor, inflammatio, profluvium, feliciter expugnabuntur, opprimunturque radicibus. At experientia cedat ratiocinium. Dubium & controversiam respuunt facta. Conquerebantur infirmi de mictu æstuoso ac doloroso, de molestà inter arrigendum constrictione, de rubedinẽ *glandis* & inflammatione, flava quedam vel etiam viridis humiditas ex *Urethrâ* sensim destillabatur. Fatebantur vel inviti, hanc *Symptomatum* catervam ab immoderatà vel impurà Venere proficisci. Quid tùm? *Injectiones* nostras statim ab initio, victum *humectantem* ac diluentem, severam in rebus aliis non naturalibus temperantiam præscripsimus. Nec felix nos fefellit exitus. Quotquot jussibus ejusmodi steterunt, nulli exindè ploraverunt *Gonorrhœâ*. Ubi, vel *plethoricus* æger, vel vehementior inflammatio, vel æstus intensior, Venæ Sectioni aliquatenùs indulgimus: nec pepercimus enematis emollientibus vulgò laxativis. De abstinendo penitus ab *acidis*, *nitrosis*, *diureticis*, *catharticis*, *adstringentibus*, quin & *balsamicis*, fuit nobis antiquissimum. Ab ejusmodi medicamentis non solum ut inutilibus, sed etiam ut execrandis abhorret directà *Gonorrhœæ* curandæ ratio. Hinc incipientes *Dysenterias*, alvi fluxus etiam confirmatos ad optatam curationis metam adduxit similis & unica clysterum administratio. Adeò constans & explorata medendi nostra methodus!

## V.

**I**RATAM cogitas placare *Venerem*? Legitima submove ipsis impedimenta. Apage pudendorum morbos cum eorum sordibus. Hinc procul quorundam esfrenata temeritas, qui, vel *Gonorrhœam* suis auspiciis relinquendam esse putant, vel se, assilando mulieri sanæ luem quam hauserunt, ab omni *Gonorrhœæ* contagio solutos prædicant atque liberatos. Sed vah!

Perditum hominum genus. Sint *injectiones* nostræ sacra anchora; ad quam *Gonorrhœa* vexati confugiant. Feliciter his utetur & morborum præcavebit iliadem qui statim ab initio legibus nostris obtemperabit. At hanc *Gonorrhœa* sanationem præcoccem jam increpas, tanquam incubam mali deterioris? Quid enim (ais) retentum in corpore *virus* extinguetur? Annon solo eoque jugi profluvio subducitur? Nonne hoc suppressio intūs, in malorum alitur fomitem? Præpostera sanè cautio est post receptum hostem fores occludere. Ad hæc tam rationi sensuique adversa veniret nemo, qui, vel pendisset ab *injectionibus* exterminari *adstringentia*, vel nosset incipientis *Gonorrhœa* virus ob *fixitatem* suam hæere tantum in glandulis *Urethra* vel in *lacunis*. Quando enim contagium vel subtilius est, vel evolvitur aut exaltatur, subit facilius vasa lymphatica & sanguinea. Hinc absque ullâ præcedente *Gonorrhœa*, *Carcinomatibus*, *bubonibus*, &c. vel ipsâ *Syphilide* quandoque afficiuntur Scortatores. *Virus* ergo cum ineunte *Gonorrhœa* fixum sit & hæreat adhuc osculis vasorum excretoriorum, cur ejus extinctio statim ab initio non est adorienda? Quænam utilitas in morâ? Nonne, ut cæteros morbos, sic *Gonorrhœam* cum suo Symptomatum satellitio præcavere melius quàm expectare? Quid porro de Catharticis, diureticis, *adstringentibus* & *balsamicis*, de quibus tot miracula prædicavit huc usque *Chirurgorum* vulgus? Hæc ad indirectam curandi methodum relegamus. Ad illud indirectæ curationis nomen obmurmuras. Quidni? Annon indirecta censi debet ca Methodus, quæ nec ita certò, nec ita citò, nec ita jucundè medetur; quæ præjudicatis opinionibus innixa, vel potiùs obcecata, tota quiescit vel in sanandis ulceribus, vel in promovendo *puris* effluvio; quæ tandem rotundis quadrata miscendo plus aliter interdum incommodi quàm utilitatis. Nunquid enim *Catharticorum* & *Diureticorum* stimulo contagii virtus non stimulabitur? An non diuturno eorumdem usu mucus *Urethra* sæpiùs abraditur? *Adstringentia* & *balsamica* (quæ eandem ferè virtutem obtinent) non solum humorem *morbificum*, sed etiam naturalia *Lacunarum* flumina sic cohibent, ut *Urethram* mucore suo defraudatam, mille cruciatibus exponant. Undique igitur constrictionis dolor, æstus urinæ, *Dysuria*, *Ischuria*, quin & cicatrices illæ quas *Urethra carnositates* perperam vocant, quibus ad multos annos miserè divexantur ægrotantes. Sed ecce ad illud *Caruncularum* nomen expergisceris. Jam (redarguis) in *Urethra*, versùs & ultrà *verumontanum* inventæ sunt ejusmodi *carnositates*. Quoties in cadaveribus eorum, qui ad mortem usque *Gonorrhœa* infestabantur, nunc *Seminales Vesicula*, nunc *prostate*, nunc testes ipsi *ulceribus* defluentes reperti sunt? Repentinam & intempestivam *Gonorrhœa* suppressionem annon sæpiùs excipit *testium* intumescencia? Quid indè? An idcirco incertum erit nostrum de *Gonorrhœa* naturâ aut medelâ documentum? An idèò, vel in *Vesiculis seminalibus*, vel in *prostate*, vel in *testibus* erit collocanda *Gonorrhœa* sedes? Absit. Si enim morbo neque ab initio, neque directè medeatur, quid impediet ne *virus* crescens in dies majora subeat vasa? Nonne *acido-corrosiva* contagies, partes vicinas æqualiter stimulare poterit, ferire, corrumpere? An aliter generantur *glandis*, *præputii*, vel etiam *Urethra* *carcinomata*? An in *inguinibus* *bubones* aliter producantur? Ratione scilicet non absimili in *inguinum glandulis* ponendum foret *Gonorrhœa* domicilium: quia, vel ab *adstringentibus*, vel aliter suppressio flumine, *bubones* in *inguinibus* erumpunt. At quid absurdum magis? Non itaque ita gloriôsè de se prædi-

cet indirecta *Gonorrhœa* curandæ ratio. Quærantur medicamina, quibus acidocorrosivum hujus morbi virus funditus evellatur. Ex his compositus liquor ab ineunte *Gonorrhœa* in *Urethram* immittatur. Affectas canalis hujus vel *Vagine glandulas* immediato contactu suo recreabit. Radicibus domabitur contagies. Aucta glandularum vis elastica aut stimulativa remittet. Ductus earum excretorii non stimulantur amplius. Sicque restituetur depravata *Lacunarum* aut *Glandularum* functio. Optarent fortasse nonnulli, à nobis adducerentur in medium solemnes formulæ, quibus laudata jam auxilia in usum venire solent ac revocari. Ast satis superque illorum studiis factum erit, si conveniam cum Illustrissimo VERCELLONO, cujus hæc sunt verba:

Jacobus Ver-  
cellonus Pe-  
montanus,  
hil. & Med.  
doct. in suo  
tractatu de pu-  
endorū mor-  
is, Cap. 2.  
ag. 45. Lug-  
uni Batavor.  
722.

*Quin etiam melius actum iri ducere cum morbis Venereis, si minus receptarum, vulgi manibus teneretur. Harum enim occasione factum est, ut Barbitonfores, unguentarii, nugivendali, azyrtæ omnes illorum curationem ducant suam, Medicis nihil interesse prædicantes externis desolationibus providere, imò & in hac parte ignavos palam edicentes: ac neque interim tamen aliud præstant, quàm ut exhaustis penuriis, crumenis emunttis, morbo exasperato, cadavera linguant Medico piè visitanda: Insuper & si hæc denique ad sepulturam deferantur, mortis causam in ipsum Medicum refundant. Præscriptiones ergo Medicorum si hic est exitus, expedit potiùs silere quàm docere; Medico nihilominus, quæ gerenda sint, ex iis quæ diximus, facile comprehensuro.*

Nemo igitur *Gonorrhœa* curationem aggrediatur, nisi apprimè norit hujus morbi causam, naturam, sedem, materiem, symptomata; nisi medicamentorum vires, usum & abusum teneat. Sic edoctus, haud dubiè nobiscum concludet.

Ergò ab Injectionibus directæ *Gonorrhœa* curatio?

## DOMINI DOCTORES DISPUTATURI.

M. Claudius - Antonius  
Renard.

M. Antonius Lemoine.

M. Joannes-Baptista Chemel,  
Medicus Regis ordinarius,  
& Regiæ Scientiarum Aca-  
demiæ.

M. Franciscus Bailly.

M. Petrus-Antonius Lepy.

M. Philippus Caron, anti-  
quus Facultatis Decanus.

M. Andreas Delaten.

M. Elias Col de Villars,  
Chirurgia vernaculo ser-  
mone exponenda Professor.

M. Claudius Burles, Regiæ  
Scientiarum Academia so-  
cius, Regis Hispaniarum olim  
Medicus, & Regiæ proliis  
Medicus primarius.

Proponebat Parisiis, ANTONIUS-NICOLAUS GUENAUT,  
Parisinus, Baccalaureus Medicus, A. R. S. H. 1730.  
à sextâ ad Meridiem.